

Institiúid Oideachais Marino (IOM)

Agus é spreagtha ag fíis na Críostaíochta, pobal teagaisc, foghlama agus taighde is ea IOM atá tiomanta d'ionchuimsiú agus do bharr feabhais san oideachas a chur chun cinn. Is coláiste comhlachaithe de chuid Choláiste na Tríonóide, Baile Átha Cliath, Ollscoil Bhaile Átha Cliath é IOM, agus cuireann sé cláir fochéime agus iarchéime san oideachas ar fáil, lena n-áirítear cláir oideachais thosaigh mhúinteoireachta.

Cuireann Comhlacht Rialaithe IOM cuireadh roimh iarratais ó dhaoine ag a bhfuil cáilíochtaí oiriúnacha don phost de

LÉACHTÓIR CÚNTA/LÉACHTÓIR SAN OIDEACHAS A BHFUIL SAINEOLAS AIGE/AICI SAN OIDEACHAS AOSACH AGUS BREISOIDEACHAS

CUR SÍOS GINEARÁLTA AR AN bPOST Dualgais agus Téarmaí & Coinníollacha Ginearálta Fostaíochta

1 PRÓIFÍL AN IARRTHÓRA AGUS RAON FEIDHME AN PHOIST

Is mian le hInstitiúid Oideachais Marino (IOM) Léachtóir Cúnta/Léachtóir san Oideachas a cheapadh a bhfuil saineolas aige/aici in oideachas aosach agus i mbreisoideachas ar bhonn buan dar tús Lúnasa 2024.

Tá IOM ag lorg ball dáimhe atá nuálach agus a bheidh páirteach, chun modúil a theagasc le dualgais ar leith i réimse an oideachais aosach agus an bhreisoideachais. Beidh dualgais ghinearálta ar an gceapaí i réimse an oideachais freisin. m.sh. maoirseacht ar mhic léinn atá ar shocrúchán, maoirseacht ar thaighde fochéime agus iarchéime, agus modúil atá taobh amuigh de réimse an oideachais aosach agus an bhreisoideachais.

Is tábhachtach an tréith é an tiomantas don fhoghlaim agus teagasc d'ardchaighdeán i dtimpeallacht mac léinn-lárnach. Tá sé inmhiannaithe díograis le haghaidh timpeallacht ildisciplíneach a bheith ag an iarrthóir. Caithfidh an duine a cheapfar fianaise a léiriú dá dtiomantas láidir do bharr feabhais sa teagasc, taighde agus sa ghníomhaíocht leanúnach scolártha.

Cáilíochtaí agus Scileanna Bunriachtanacha (i.e. scileanna nach féidir le hiarrthóir an post a dhéanamh gan iad. Ní dhéanfar iarratais a chur ar an ngearrliosta nár léirigh go soiléir go bhfuil na bunriachtanais ag an iarrthóir):

Ionas go measfar iad don phost seo, beidh an méid a leanas ag teastáil ó iarratasóirí:

- a) Cáilíocht ábhartha iarchéime ar leibhéal na máistreachta nó na dochtúireachta san oideachas agus/nó san oideachas aosach, nó a bheith in ann dul chun cinn a léiriú i dtreo cur i gcrích dochtúireachta atá ábhartha d'oideachas aosach agus do bhreisoideachas.
- b) A bheith cláraithe leis an gComhairle Mhúinteoireachta faoi bhealach 3.
- c) Taithí iomchuí fheidhmeach i réimse an oideachais aosaigh agus an bhreisoideachais le hacmhainneacht léirithe chun cúrsaí d'ardchaighdeán a chur ar fáil ag leibhéal na fochéime agus leibhéal na hiarchéime.
- d) Fianaise léirithe maidir le rannpháirtíocht i dtaighde/gcleachtas nuálach, le saineolas ar leith maidir le cleachtas gairmiúil, bonnstaidéar agus/nó staidéar curaclaim.
- e) Réamhthaithí theagaisc ar líne i soláthar sioncronach agus aisioncronach araon.
- f) Fianaise léirithe maidir le rannpháirtíocht i dtaighde/gcleachtas nuálach, le saineolas ar leith maidir le cleachtas gairmiúil.
- g) Eolas ar fhorbairtí comhaimseartha i réimse leathan an oideachais agus go háirithe in oideachas aosach agus i mbreisoideachas ó pheirspictíochtaí teoiriciúla agus feidhmeacha araon.
- h) Cumas san oideachas ar líne, amhail ríomhphunanna chomh maith le bealaí foghlama cumaisc, ciana agus solúbtha.
- i) Sárscileanna TF agus tuiscint maidir le TFC a bheith mar spreagadh d'éifeachtúlacht.
- j) Sárscileanna cumarsáide idir scríofa agus labhartha, ardchaighdeán cruinnis agus, pointeáilteacht.

Critéir Inmhianaithe

- a) Líofacht sa Ghaeilge
- b) Clárúchán Bealach Iomlán 3 le Comhairle Mhúinteoireachta na hÉireann.

Ní mór d'iarthóirí a léiriú go soiléir ina n-iarratais an dóigh a gcomhlíonann siad gach ceann de na réamhriachtanais seo.

2. CUR SÍOS POIST

An Caidreamh Tuairiscithe

Éilítear ar an gceapaí na dualgais a bhaineann leis an bpost a chur i gcrích, faoi stiúradh ginearálta Cheannaire an Chúrsa PDE (FE) agus an Ceann Roinne dá dtuairiscíonn sé/sí, agus dá bhfuil sé/sí freagrach as feidhmiú na ndualgas sin ar an gcéad dul síos. Tuairisceoidh an duine a cheapfar trí Cheannaire an Chúrsa PDE (FE) agus an Ceann Roinne agus ceannaire an chúrsa chuig Uachtarán na hInstitiúide agus/nó chuig cibé oifigeach IOM eile a d'fhéadfadh an tUachtarán a ainmniú ó am go ham.

D'fhéadfadh an caidreamh tuairiscithe bheith faoi réir ag athbhreithniú tréimhsiúil, ar aon dul le riachtanais seirbhíse agus le forbairtí san Institiúid.

Dualgais agus Freagrachtaí

Áirítear na nithe seo a leanas leis na dualgais:

Dualgais agus Freagrachtaí a bhaineann go sonrath le Socrúchán Gairmiúil:

- Eagrúchán Socrúchán Oideachasúil a threorú ar an gclár PDE (FE) .
- Forbairt chlár socrúcháin na hInstitiúide a éascú .

- Cur le cothabháil agus nuashonrú a dhéanamh ar eolas faoi shocrúcháin ar shuíomh gréasáin na hInstitiúide agus ar ardáin foghlama agus eolais ar líne.
- Tacú le agus feabhas a chur le measúnú ar fhoghlaim bunaithe ar obair san Institiúid, m.sh. maoirseacht a dhéanamh ar mhic léinn, ríomhphunanna, agallaimh agus dialanna socrúcháin.
- Téigh i dteagmháil go héifeachtach le soláthróirí comhpháirtithe oideachais.
- Maoirseacht agus meantóireacht a dhéanamh ar mhic léinn chomh maith le comhairle a chur orthu maidir le socrúchán scoile/oibre agus dualgais bainteach leis seo a chomhlíonadh

Dualgais agus Freagrachtaí a bhaineann go sonrach le Teagasc, Foghlaim agus Taighde:

- Dearadh clár/modúl, léachtóireacht, obair ar ranganna teagaisc, agus measúnú i réimse an oideachais aosaigh agus an bhreisoideachais (agus b'fhéidir i réimsí eile) le haghaidh clár fochéime agus iarchéime
- Cur go gníomhach le comhtháthú le modúil eile san oideachas ag leibhéal na fochéime agus na hiarchéime
- Tiomantas a léiriú do chlár oibre taighde a leanúint agus taighde a fhoilsiú i réimse an oideachais aosaigh agus an bhreisoideachais
- Maoirseacht a dhéanamh ar mhic léinn atá rannpháirteach i dtaighde fochéime agus iarchéime
- Páirt a ghlacadh i ndualgais/próisis riaracháin ar fad na roinne lena n-áirítear rannpháirtíocht i gcruinnithe na roinne, cruinnithe na hInstitiúide agus cruinnithe de chuid grúpaí eile.
- Freastal ar chruinnithe ar fad de chuid Chúirt na Scrúdaitheoirí agus a bheith rannpháirteach iontu agus dualgais measúnaithe ghaolmhara.

Dualgais agus Freagrachtaí a bhaineann go sonrach leis an Institiúid níos leithne

- Ceannaireacht a léiriú i réimse tábhachtach straitéiseach don Institiúid.
- Comhairliúchán leis na mic léinn agus leis an bpobal foghlama níos leithne.
- Páirt a ghlacadh i ngnáthaimh roghnúcháin le haghaidh mac léinn ionchasach.
- Cur leis na himeachtaí ar fhéilire na hInstitiúide ar nós an Lá Oscailte, seachtain an ionduchtaithe, feitheoireacht scrúdaithe.
- Moltaí a dhéanamh agus cur le dearadh modúl agus cúrsaí nua, de réir mar is cuí.
- Feidhmiú mar theagascóir pearsanta le mic léinn de réir leithdháilte
- Comhaltas de choistí na hInstitiúide agus na dualgais is iomchuí do na coistí sin.
- Seacht dtreoirphrionsabal na n-iontaobhaithe a chur chun cinn.

I measc na ndualgas tá léachtóireacht ar chláir fochéime, cláir iarchéime, agus rannpháirtíocht i soláthar clár páirtaimseartha agus clár eile lena n-áirítear am teagaisc um thráthnóna agus ag an deireadh seachtaine. Cuirfidh an duine a cheapfar le dearadh cúrsaí agus foirmiú polasaithe ag leibhéal fochéime agus iarchéime araon.

Ba cheart a thabhairt faoi deara nach mór don cheapaí obair a dhéanamh mar bhall foirne i ngach réimse oibre/roinn laistigh den Institiúid. Cé go bhfuil na dualgais a bhaineann leis an bpost sainithe ar an iomlán faoi na ceannteidil éagsúla mar atá liostaithe, ní liosta uileghabhálach é liosta na ndualgas. Éileofar ar an gceapaí feidhmiú ar bhealach solúbtha agus comhghleacúil. Forchoimeádann IOM an ceart dualgais nua a shannadh nó foireann a athshannadh do réimsí eile na hInstitiúide, nó an dá rud araon, mar fhreagairt ar riachtanais seirbhíse.

3. EOLAS MAIDIR LE HIARRATAIS, MAIDIR LEIS AN bPRÓISEAS ROGHNÚCHÁIN AGUS EOLAS GINEARÁLTA EILE.

Modh Roghnúcháin le haghaidh Molta

Déanfar gearrliostú iarratasóirí a bheidh bunaithe ar cháilíochtaí, ar oiriúnacht agus ar thaithí oibre ábhartha an iarratasóra de réir mar atá sonraithe san iarratas. Is é an t-iarratasóir atá freagrach as a chinntiú go gcuirtear faisnéis ábhartha uile san áireamh lena iarratas/hiarratas agus go dtaispeánann sé/sí go soiléir conas a chomhlíonann sé/sí na critéir iarrthóra shonraithe.

Déanfaidh painéal agallaimh an t-agallamh a bheidh comhdhéanta de líon nach lú ná 3 duine, agus cuimseofar na daoine is oiriúnaí agus is cáilithí leis chun iarratasóirí sa disciplín a mheasúnú. Is é an Chomhlacht Rialaithe a dhéanann gach ceapachán fostaíochta ag IOM. Cuirfear moltaí an phainéil agallaimh maidir le hiarratasóirí rathúla a cheapadh do phoist uile faoi bhráid Chomhlacht Rialaithe IOM lena bhreithniú agus lena chinneadh.

Sa chás nach molann an painéal agallaimh ceapadh buan, forchoimeádan an Institiúid an ceart chun iarrthóir oiriúnach a cheapadh, aitheanta tríd an bpróiseas roghnúcháin, don phost ar bonn téarma seasta.

D'fhéadfaí painéal a chruthú óna bhféadfaí ceapacháin ar chonarthaí buana nó téarma seasta a líonadh le linn shaolré an phainéil. Cuirfear deireadh leis an bpainéal 12 mhí tar éis a dháta foirmithe, is é sin dáta an agallaimh thosaigh.

Ní mór d'iarrthóirí fianaise dhoiciméadach shásúil a chur ar fáil ar oiliúint agus ar thaithí uile arna maíomh acu, más gá.

Tréimhse Phromhaidh

Tá an ceapachán faoi réir ag an tréimhse phromhaidh 4 mhí chaighdeánach a chur i gcrích go sásúil. D'fhéadfaí an tréimhse phromhaidh a shíneadh faoi rogha na hInstitiúide ach in aon chás ní mhairfidh sí níos mó ná 6 mhí. Síneadh an tréimhse phromhaidh mar gheall ar neamhláithreachtaí lena linn. Déanfar monatóireacht ar fheidhmíocht agus ar iompar le linn na tréimhse promhaidh trí phróiseas de chruinnithe measúnaithe. Beidh foirceannadh fostaíochta le linn na tréimhse promhaidh faoi rogha na hInstitiúide. Beidh leagan ciorraithe den nós imeachta smachta infheidhme maidir le fostaithe ar promhadh.

Grinnfhiosrúchán an Gharda Síochána

D'fhéadfadh sé a bheith riachtanach d'iarratasóirí rathúla uile páirt a ghlacadh i nGrinnfhiosrúchán an Gharda Síochána. Tabharfar treoir shainiúil maidir leis an bpróiseas sin ag an am iomchuí. Déanfar iarratasóirí nach gcomhlíonann riachtanais na hInstitiúide maidir leis sin a eisiáil ó bhreithniú don ceapachán seo.

Oiliúint Bhunriachtanach

Beidh ar an iarratasóir a éiríonn leis nó léi tabhairt faoin oiliúint chomhlíontachta bhunriachtanach seo a leanas: Ionduchtú, Sláinte & Sábháilteacht agus Cosaint Sonraí (RGCS), agus ní mór dó/di fianaise a sholáthar ar Oiliúint maidir le Cosaint Leaná de chuid Tusla a bheith déanta acu. Seans go mbeadh gá le tabhairt faoi oiliúint eile má tá gá leis sin.

Tuarastal

An scála tuarastail bhliantúil reatha; €55,220 - €76,410.

Na hlarratais a Dhéanamh

Déan iarratas le litir chlúdaigh agus CV amháin (ní chuirtear aon fhoirm iarratais speisialta ar fáil), tríd an ríomhphost más féidir chuig careers@mie.ie nó tríd an bpost chuig:

An Oifig Acmhainní Daonna
Institiúid Oideachais Marino
Ascaill Uí Ghríofa
Baile Átha Cliath 9 (D09 R232)

Ní mór iarratais chomhlánaithe a bheith faoi 5.00 i.n., Dé hAoine an 05 Aibreán 2024. Ní ghlacfar le hiarratais a bheidh mall.

Ní bheidh an Institiúid freagrach as costais ar bith, lena n-áirítear speansais taistil, a bhféadfadh iarrthóirí iad a thabhtú i ndáil lena n-iarrthóireacht.

Is fostóir comhdheiseanna í Institiúid Oideachais Marino.